



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-508-3/23**

Datum: **18.12.2023. god.**

„Agencija za vodno područje rijeke Save“ Sarajevo rješavajući po zahtjevu Investitora „AHSUN“ d.o.o. Ilijaš, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za skladištenje metalnog otpada, izgrađenog u ulici Bosanski put 215, Ilijaš, općina Ilijaš, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Investitoru „AHSUN“ d.o.o. Ilijaš daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za skladištenje metalnog otpada, izgrađenog na zemljištu označenom kao k.č. broj 203/24, 203/25, 205/8 i 205/9, K.O. Ilijaš Grad, općina Ilijaš.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
 3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da pravno lice „AHSUN“ d.o.o. Ilijaš obezbijedi da se sistem za prikupljanje, prečišćavanje i ispuštanje otpadnih voda sa lokacije poslovnog kompleksa za otkup, reciklažu i sekundarnih sirovina sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim na otvorenim platoima - lagerima namijenjenim za prihvatanje, skladištenje i primarnu preradu sekundarnih sirovina nesmetano prikupljaju sistemom slivnih rešetki i kanalizacione mreže te odvede do uređaja za prečišćavanje onečišćenih voda (taložnik, tipski separatora ulja i naftnih derivata), a zatim preko okna za monitoring priključuju na postojeću kanalizaciju industrijskog kruga, čiji je krajnji recipijent rijeka Bosna.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članovima 14. i 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne

odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.5. Čišćenje separatora, taložnika i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju i arhivu.
- 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „AHSUN” d.o.o. Ilijaš je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Investitor „AHSUN” d.o.o. Sarajevo, obratio se ovoj Agenciji sa zahtjevom za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda (tehnoških otpadnih voda) u prirodni recipijent sa lokacije objekta za skladištenje metalnog otpada, izgrađenog na zemljištu kao k.č. broj: 203/24, 203/25, 205/8 i 205/9 K.O. Ilijaš Grad, općina Ilijaš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-23-011221 od 20.10.2023, izdat od Općinskog suda u Sarajevu;

- Kopija Uvjerenja o poreznoj registraciji, od 25.08.2009. godine, izdatog od strane Porezne uprave-Kantonalni ured Sarajevo;
- Kopija rješenja o odobrenju za upotrebu skladišnog objekta, donesenog od strane Službe za prostorno uređenje i zaštitu okoliša općine Ilijaš, broj: 05/1-23-1111/19 od 18.11.2019. godine;
- Kopija rješenja o odobrenju za upotrebu skladišnog objekta, donesenog od strane Službe za prostorno uređenje i zaštitu okoliša općine Ilijaš, broj: 05/1-23-1112/19 od 13.12.2019. godine;
- Kopija Rješenja o vodnoj dozvoli broj: 07-06-21-14320/22 od 07.04.2023. godine, donesenog od strane Ministarstva privrede Kantona Sarajevo;
- Kopija Rješenja o vodnoj dozvoli broj: UP-I/25-3-40-237-6/19 od 27.05.2019.godine, donesenog od strane Agencije za vodno područje rijeke Save;
- Kopija Saglasnosti broj: 04-044-26-620/16 od 14.04.2016. godine kojom se utvrđuje da je izvršeno geodetsko snimanje komunalnih uređaja, izdata od Zavoda za izgradnju Kantona Sarajevo;
- Kopija Rješenja o izdavanju dozvole za upravljanje otpadom broj: 05-23-8966/13 III od 04.07.2014 donesenog od strane Ministarstva prostornog uređenja i zaštite okoliša Kantona Sarajevo;
- Kopija zemljišnoknjižnog izvotka broj: 24414/19 od 19.03.2019. izdata od Općinskog suda u Sarajevu;
- Kopija zemljišnoknjižnog izvotka broj: 103121/19 od 20.02.2019. izdata od Općinskog suda u Sarajevu;
- Kopija zemljišnoknjižnog izvotka broj: 15313/19 od 20.02.2019. izdata od Općinskog suda u Sarajevu;
- Kopija zemljišnoknjižnog izvotka broj: 15315/19 od 20.02.2019. izdata od Općinskog suda u Sarajevu;
- Glavni projekat prikupljanja i zbrinjavanja oborinskih otpadnih voda iz kompleksa poslovnih objekata na k.č 205/8 i 205/9 K.O. Ilijaš Grad, općina Ilijaš, ES Hydrotechnics d.o.o. Sarajevo, august 2014.;
- Aneks glavnog projekta prikupljanja i zbrinjavanja oborinskih otpadnih voda iz kompleksa poslovnih objekata na k.č 205/8 i 205/9 K.O. Ilijaš Grad, općina Ilijaš, ES Hydrotechnics d.o.o. Sarajevo, mart 2016.;
- Izvještaj o monitoringu kvaliteta i kvantiteta otpadnih voda za objekat „AHSUN“ d.o.o. Ilijaš urađen od strane „Inspekt RGH“ d.o.o. Sarajevo pod brojem 1202/18, novembar 2018. godine, u Sarajevu;
- Kopija Ugovora zaključen između ugovornih strana: Br. 387/18, kojeg su predmet radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora sa lokacije Naručioca; zaključen sa „DELTA-PETROL“ d.o.o. Kakanj dana 13.11.2018. godine;
- Uputstvo za korištenje i održavanje ISEA sistema i uređaja za pročišćavanje otpadnih voda;
- Potvrda o ispravnosti i funkcionalnosti ugrađenog sistema aktivne zaštite od požara;
- Dokaz o uplaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled predmetne lokacije i tom prilikom sačinjen zapisnik o uviđaju broj: UP-1/21-3-40-508-2/23 dana 23.11.2023. godine.

Na osnovu izvršenog uviđaja na licu mjesta je utvrđeno:

Na osnovu dostavljene dokumentacije i izvršenog uviđaja na terenu utvrđeno je sljedeće: Objekat za prikupljanje, reciklažu i plasman otpadnih metalnih materijala „AHSUN“ d.o.o Ilijaš nalazi se u krugu Željezare Ilijaš. Na lokaciji se nalaze sljedeće cijeline: upravna zgrada, otvoreni prostor za skladištenje,

- zatvoreni skladišni prostor, kontejner za odlaganje nastalog otpada, postrojenje za pjeskarenje.
- Vodosnabdijevanje predmetnog objekta vrši se iz gradskog vodovodnog sistema

Na predmetnoj lokaciji nastaju sanitarno fekalne otpadne vode, oborinske vode sa krovova objekata i oborinske vode sa parkinga, radnih i manipulativnih površina.

Oborinske vode sa krovova se ispuštaju u postojeću kanalizaciju industrijskog kruga. Oborinske vode sa parkinga, radnih i manipulativnih površina se sakupljaju putem slivnika i rigola, ovako prikupljene vode odvođe se preko kanalizacionih kolektora do taložnika, a zatim do tipskog separator ulja i masti sa koalescentnim filterom. Nakon prečišćavanja u taložniku i separatoru tretirana otpadna voda odvođi se do monitoring okna i dalje putem ispusnog kolektora prema krajnjem recipijentu - postojećoj kanalizaciji industrijskog kruga. Skladištenje nafte i natnih derivata vrši se u bačvama od 6000 litara ispod koje je ugrađena tankvana odgovarajuće zapremine.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uvida izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Prilog:

- Glavni projekat prikupljanja i zbrinjavanja oborinskih otpadnih voda iz kompleksa poslovnih objekata na k.č 205/8 i 205/9 K.O. Ilijaš Grad, općina Ilijaš, ES Hydrotechnics d.o.o. Sarajevo, august 2014.
- Aneks glavnog projekta prikupljanja i zbrinjavanja oborinskih otpadnih voda iz kompleksa poslovnih objekata na k.č 205/8 i 205/9 K.O. Ilijaš Grad, općina Ilijaš, ES Hydrotechnics d.o.o. Sarajevo, mart 2016.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- "AHSUN" d.o.o. Ilijaš, ul. Bosanski put 215, 71380, (sa prilogom)
- Ⓢ AVP Sava, ISV – Vodna knjiga
- Sektor 50
- Sektor 40, arhiiva
- Oglasna ploča AVP Sava